

# Dat sin fiese Räuber

Et jitt fiese Räuber, leev Mariellche,  
die jiere noh Rohstoff und schaffe se fott  
die riesse die Äd op, dun Minsche verdreevee  
vun denne ihr Land, maache alles kapott

## Refrain:

**Drum loss mer de Räuber dat Handwerk läje  
mit raube und plündre kütt kejne mieh dursch.  
Mir passe op und falln nit op dern Sprüch rin,  
mir stoppe de Räuber, maach dir kejn Sorch. Lala..**

Wo Lück jet pflanze, um sich ze versorje  
baue se Sprit für Autos an  
se fische dat Meer leer, kejn Jedanke an morje  
un dat man Jeld nit esse kann

## Refrain:

**Drum loss mer de Räuber dat Handwerk läje  
mit raube und plündre kütt kejne mieh dursch.  
Mir passe op und falln nit op dern Sprüch rin,  
mir stoppe de Räuber, maach dir kejn Sorsch. Lala..**

Wat se Freihandel nenne, dät bloß ihne nütze  
denn nur der Stärk're verdient dobej  
wenn Lück dann fliehe, dann sperrn se de Jrenz zu  
wat us denne weed is doch ejnerlei

Un mit dem Drecksjas, dat se verpuffe  
zerstörn se dat Klima im Wachstumswahn  
Lück fliehe vor Stürme, vor Dürre un Flute  
Se verspelle de Zokonft, die mir dann nimmieh han.

## Refrain:

**Ich mein et hück ihrlich, wenn ich saach, dat jeiht nit,  
denn dat künnt och janz anders sin.  
Noch don se laache un sare uns stopp nix,  
doch morje weede mer wigger sin.**

**Drum loss mer de Räuber dat Handwerk läje  
mit raube und plündre kütt kejne mieh dursch.  
Mir passe op und falln nit op dern Sprüch rin,  
mir stoppe de Räuber, maach dir kejn Sorsch. Lala..**